



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 04/09/2020

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Minister fir Mobilitéit weiderzeleeden.


An der Äntwert op d'parlamentaresch Fro N°2561 huet de Minister geäntwert, datt keng Méiglechkeet bestanen hätt, fir d'Piste um Findel während dem Confinement z'erneieren. De Minister erkläert och, datt um urspréngleche Planning festgehale géif ginn.

An deem Zesammenhang wéilt ech dem Minister dës Froe stellen:

1. Gouf de Ministère, d'Stroossebauverwaltung oder Luxairport während dem "Shutdown" approachéiert fir d'Pistenerneuerung méi séier ofzeschléissen?
2. Falls jo, wéi e Präisënnerscheed hätt dës Offer par Rapport zum viraussichtleche Käschtpunkt vum Marché publique mat sech bruecht?
3. An der ëffentlecher Ausschreiwung fir d'Pistenerneuerung gouf eng Gewichtung vun nëmmen 40% op de Präis festgeluecht. Ass de Minister der Meenung, datt grad elo, an Zäite vu knappe Steierrecetten, ee Projet vu ronn 150 Milliounen Budget ee responsablen Ëmgang mat Steiergelder duerstellt a wär et net besser déi bëllegsten Offer an deem Fall méi héich ze wäerten?
4. Firwat gouf d'ëffentlech Ausschreiwung duerch d'Société de l'Aéroport de Luxembourg S.A. an net duerch Stroossebauverwaltung duerchgefouert, obwuel d'Stroossebauverwaltung jo fir de Kont vum Staat fir "construction et entretien de certaines infrastructures de l'aéroport de Luxembourg" verantwortlech ass?
5. Firwat gouf d'Ausschreiwung (RFQ) net an enger vun de lëtzebuergeschen Amtssproche verfaasst?



Mat déiwem Respekt,

A handwritten signature in black ink, consisting of a large, sweeping 'C' followed by a horizontal line and a small vertical stroke.

CLEMENT Sven
Député



www.piraten.lu